

門 5
號 3525
卷 8

早稻 大學 圖書館
36.9.26
藏 書

揚州禦寇錄卷下

江都

倪在田子新

撰

揚州 陳恆和書林刻

同治元年春正月杜文瀾等以師船屯射陽湖晏端
書聞賊入阜甯而檄之也時 詔會國藩籌策衛

下河國藩請責都興阿以嚴守旋以晏端書不振作

罷其團練大臣志載其自鹽城返邵伯督團民二萬

運河守狀列守運河三日而罷然旨責之蓋

明隱燭之矣 聖 是月 詔六合賊降北降於江北官

軍其往應之都興阿以揚州鹽米犒其眾 廷議以

揚州軍攻江浦天長都興阿疏不可 詔從之鎮江

告警都興阿使詹啟綸往援之鎮江無大帥統於江

故黃彬等惟帶辦耳又江北軍務轄地至滁泗廬鳳
 故李世忠雖強亦官祇帶辦都與阿實統之惟距地
 極遠力不能及使紅單船十入邵伯西接臨淮然江
 及馬腹爾上下亦非紅單大船所便俄 詔都興阿
 不同臨淮而使之都與阿不能違 詔都興阿
 以揚州軍守天長時諸邑皆降再 詔都興阿舉揚州得
 力之將守江浦且攻九洑洲都興阿疏揚州軍實寡
 弱江浦途遙無以相應而使李起高以師船攻白茆
 使蔣臨照按靖江其事皆不在揚州故不錄使譚金魁以馬步軍
 屯仙女廟時中外之人咸以仙女廟邵伯埭為江海
 賊無由而至其自江南來者當扼之荷花池白塔河
 七濠口沙頭鎮之近者儀徵如臯之遠者株守仙女
 廟何益乎都興阿二月賊自六合掠儀徵再犯揚州
 迫於時論而行之

都興阿已作屯於城外拒之賊不敢逼趨邵伯湖黃
 開榜王萬清自高郵邵伯三道禦之賊志在求食俘
 掠三日去時擒賊突至寶應之西北門邊馬紛馳於
 隄側其外皆沮洳長蘆荻賊陷絕地鄉民奮刈柴之
 刃斫之殺數十賊餘駭遁已都興阿使詹啟綸軍守
 六合別將守天長未即行都興阿再以揚州軍數告
 詔都興阿請徵吉林黑龍江馬軍殆將至就使訓
 練且以賊舟千計在下關將趨揚州別有薙髮賊匿
 泗源溝儀徵治七濠口江都治 詔都興阿嚴守喬松年
 等捕之責揚州州縣行保甲必盡力有司舉行不善

分卡局任親匿

有保甲保衛諸目或一地兩設之鄉實無所事惟斂油燭報局用而已

村小市攢簇為之局役倍官胥委官逾正印距城遠

者或忽置之 詔吳棠以王萬清部還都興阿就節

制之是月賊酋李秀成使其假子某及林紹璋陳坤

書等再糾賊數萬攻揚州都興阿馳疏若詹啟綸等

行揚州之境千里墟矣又趣鄉民皆急走釜甑孟碗

不克攜者盡碎之毋使賊得爨十一月賊走湖西至

陳家集縱掠聚其粳稻千萬斛期食金陵

後有逸出賊中者言

是役也賊為掠穀計然無釜至以巨缸破甕之屬炊而食受困為諸役最故知都興阿之畧優也而亦後

世制流賊越二日都興阿擊之徐家集勝之海全不

肯戰都興阿嚴劾之納甘泉知縣于實之言許居民

出城走米鹽油布則禁挈之慮致匱也賊攻城知府

朱忻江都知縣陳公溥參將王希堂分門守凡三日

不能陷鎗去希堂之冠實之云親炮之賊繞城西進

圍迎勝軍壘負草溟濠鼓四籌即至望之無慮數萬

人俄頃溝平者二屯將力守鎗砲霆歷斃賊亦眾賊

卒不肯退再進再接旦及申猶不解都興阿方按總

兵劉成元屯諸請旋者皆不應日將沒乃以百騎騁

營次塵埃拂天賊疑救至復掠周得雙等屯而遁

阿令前敵營屯凡一壘被困他軍毋出救彼自以軍與都極之又使材官輕騎傳呼各屯曰謹守聽調日三數

次諸軍以得雙等閉壁守得雙等居前敵賊之攻復
 是不敢潰由之去得雙等泥無出救說勝軍也越其壘而入敗復
 遂並一矢不發故賊得自由都興阿怒盡陳其眾而
 叱之曰賊至營前乃不擊是何俟也盡褫其秩翼長
 海凌阿頓首請亦不許海凌阿憤明日單騎陷賊陳
 三人三出中洋鎗死官軍互勝負越數日賊大毆其
 眾至自法海寺東虹橋至於七里店為橫陣排而進
 都興阿亦中夜猝作令親督步卒出擊賊別盡馬隊
 九起統其後副將左應龍等繞三汊河擊其左凡軍
 五路將攻其壘而賊且大至有謂此次為出賊不意
 也此楚勇先出排鎗所過賊旗盡伏再發再伏凡三擊

而賊益逼將士皆短兵接跳擲馳逐升高望之如舞
 千百狡狴於沙塵中旌旗服飾不大辨也凡官軍擊
 至適中地卓旗下伏兵賊皆發鎗烟起下伏烟散趨
 進凡三次則觀面矣謂之三排鎗故大戰之時必刀
 矛撥擊而鎗聲零落其間其轟響雷動者相距猶數
 百十步也馬軍掠陣則不盡然馬足難久植洋鎗格
 林炸炮之類烟彈皆較營鎗尤難避迅而散也都興
 阿既出居陣後材官親卒百十護之自坐胡牀旁列
 茶具茗爐小几舉盞不絕口且四顧別諸軍力戰否
 其頻飲則固有茶癖其四顧則頗若李光弼之擊賊
 也有掌旗卒手火鎗不敢發頻呼其主校名伺之一
 發不中則無英字營將胡士英驟馬出大呼馳殺士
 繼故不敢發卒益奮而騎士之道樸樹灣者左應龍之別出者皆
 至表裏攻注斬首千計賊大敗惟左翼軍方酣戰警

觀藍旗千百馳三汊河至謂詹啟綸軍也比觀面乃
賊亦以此勁旅為奇
 賊洋鎗隊倉猝拒鬪失百十卒
兵與官軍之馬隊皆
為繞助之技計亦狡矣然其正賊不若官軍之銳先
接而敗故此舉並不得力兵法奇正相生要非兵無
不勁不能為之書生輩談兵紙上
試觀於此可知戰事不易言矣
 洋鎗隊者故提督
 張玉良之親軍也玉良既沒聯旗降賊怙惡敢鬪是
 日幾為乘以賊敗甚亦遁去明日賊又至洋鎗隊居
 首勢若風雨直突至南門乘土坡以下壓刁經明等
 崩而潰都司廖長明獨以其部奮力擊衝突十數合
 胡士英李曙堂等助之經明諸人畏獲咎亦拘其軍
 更前戰杜嘎爾等軍亦至四面搗之賊又大敗逐北

二十餘里擒洋鎗隊酋而斬之惟詹啟綸自軍三汊
 河驕淫極慾軍律盡弛從降諸賊無或在
始從啟綸者皆川楚
產頻年死喪及為啟綸橫殺者無可問至是纔餘三
人耳又以逼視啟綸妾於肩輿中使殺其二其一曰
諸人皆死我何以生為亦殺之於是從賊盡矣其諸
忠新六起勇皆江北產多而不勁息而內怯者也
 起校卒外臬內隳土倡營妓彌望壘次校卒率棄壘
 宿及賊至啟綸徙妾出營次亦使所部移家室人心
 益替甘泉儀徵之民逃至三汊河者啟綸恣橫暴日
 殺百十人俄賊攻其屯啟綸拒守而賊悍甚鎗砲排
 莜呼噪四至示決濟部卒股慄或跳壘遁一軍幾潰
 都興阿急使馬軍自南門馳救之賊始去已賊掠邵

伯湖西境王萬清及水師拒屯守啟綸部守備唐某
 曰賊獲稻千萬石露次陳家集而東掠居人每盜之
 曷往取無失利啟綸躍而起親騎赴之而賊驟至士
 卒逃死者盈路啟綸大奔賊逐之急自棄其騎及諸
 河賊又至則入水棹卒拯出之此啟綸自製之舳而板船如湘軍式
 諸部校及其妾譁於幕哭於室者鳥獸亂矣然啟綸
 所遇蓋別賊其掠湖西者自若也都興阿使王萬清
 等水陸轟戰自率馬軍步卒夾擊之越天甯門廣儲
 門取道甘泉山奔逼湖垸賊方逼萬清都興阿軍大
 至表裏縱擊又大勝之捕斬亦千有奇賊乃屯儀徵

大掠沙漫洲不得濟則泝江走啟綸逐之二十里汶

不及此後總督曾國藩尚有瓜洲賊不戰自退疏其

實賊未屯瓜洲掠儀徵時零賊闖入村落間日

入即去而守吏人謂是役也賊掠江北食供金陵而

江北岸皆官屯不得已貨夷舟自六合儀徵間突入

江都甘泉境孤軍深躡畧無後繼李世忠軍在六合

者閉門不敢出故揚州西境更受禍都興阿提巍名

總江北事兵少不及世忠者數倍諸將又絕憚世忠

使屯天長六合皆不行世忠以此益脇都興阿且言揚州軍不至將棄天長六合

江浦浦口四廷臣亦頻囑都興阿毋與隙且曰使天

長六合能遮賊揚州之防當益固賊又偽言當再至

揚州逕取鎮江乃非實事也夫揚州之軍在不納天
 長六合之降始賊來乞降不許亦無兵分屯此四邑是以惟
 世忠令都興阿又請畀其馬軍百數十人皆簪翎枝
 給僕役月餉人四兩許之言者又劾都興阿張虛
 捷詹啟綸殺難民啟綸橫虐男婦枉死不可計不惟
 難民即凡文武材官部伍士卒親故僕婢橫杖瞋殺
 如賊習都興阿諸大戰卓著績他諸縣屯因便馘賊
 又輒虛估一當十百或賊掠其地固未一擊比及去
 亦遂稱捷並其奴僕為乞官秩雖復嚴核不能罄也
 姚仰雲等製營幕草率偷減不蔽風雨士卒流怨查

文經司糧臺蝕金至二十萬事發皆被劾

時水陸呼貧而司金

者乃蝕至二十萬

都興阿更疏揚州地廣兵單狀

詔知之

夏五月淮揚水師統兵官黃翼升以炮舟衝賊徑下

屯四營於三江口防揚州都興阿親入水軍與黃彬

計使吳金美等自瓜洲攻觀音門燕子磯

金陵所治

六月

都興阿疏克江心洲

在儀徵西故戰狀不錄

再陳揚州北岸諸

軍事因言江南之民自儀徵瓜洲渡走下河日不止

絕可疑詔難民豈有多舟其為賊間無可疑其有

言語詭異者即戮之

揚州江防起儀徵至泰州東西

江常州至於太倉皆距江渡則揚州之險失矣故揚

濠口黃泥溝諸處尤狹隘兵雖拒守而諸小舟單楫往來於南北者雖呵禁之不禁絕不惟難民與通賊舟少是以不被亂爾時偽輔王楊輔清偽護王陳

坤書偽忠王李秀成謀自江陰福山楊林口掠商舟結海盜取泰州興化高郵背攻揚州取下河其偽由

王止之由王田姓通州人入於賊即其姓出筆封由

所至田荒民盡日需鹽膏皆都興阿又奉命以揚

州完善港汊紛歧其與會國藩共防之侍郎潘祖蔭再疏論江北事詔會國藩都興阿李鴻章議之鴻

章以淮揚水師戰淞滬不能還揚州會國藩請以楊岳斌巡下游別立太湖軍以黃翼升軍防揚州衛下

河而謂戰舟猝難成與李鴻章皆請令都興阿黃

彬嚴守其境然彬不足恃既與都興阿疏徵師船於

廣東事在增新去故而現兵以無餉不能汰粵東師

船來者三十有六李鴻章議止之而已及彬軍新舊

猥雜其勢益紛而食愈匱則更剽奪沙頭已東水陸

攻殺商民困悖其屯瓜洲上次儀徵者舟朽器愆殆

不能戰奸民叛校益自揚州販薪米食物以濟賊謂

賣苗食以賊起或舟樹洋人旗納金於夷求其一旗

廣西近苗洞也或舟樹洋人旗懸之舟上所經關卡

不納釐稅一征不再用洋俗或繫其舟於洋艘之末

流卡局不能問下河四邑稻米所出所謂出口處也
 凡諸釐卡冀徵其金第我稅盈亦即不叩其所之故
 江禁雖嚴曾無實事內河港汊則焦湖長龍舳板數
 百十靡所不之皆李世忠部泛水遵陸闖而益東至
 諸鹽場橫市強載人不敢校又折而南至於江滙凡
 江都甘泉儀徵興化高郵泰州東臺城廂市落無或
 無豫勝軍尋立鹽卡於高良澗安徽巡撫唐訓方劾
 之弗悛遇苗沛霖黨於洪澤湖爭鹽舟列陣以戰世
 忠不勝遣黨助之水陸爭競彌月不解又與陳國瑞
 鬪湖中則國瑞強劫之詹啟綸亦作諸店肆於泗源

溝沙漫洲其實濟賊水陸交哄人心蟻動

其吉泰公棧則啟綸

與胡士禮合為之啟綸又不名一錢坐分其所市利
 士禮則假啟綸勢以叛法有會署兩淮鹽運司者乃
 使其徒市私鹽以濟賊得貲數十萬其他富商鬻物
 濟賊者不勝舉會國藩以金陵圍久合賊卒不匱必
 有濟之者使知府至沙漫洲泗源溝按之奸徒乃盜
 其檄誣知府為賊間徑殺之使國藩無可按及彭公
 玉麟至偽為賊謀就僧市米麥加以西洋輪船日夕
 乃得其實立殺數十人禍乃止
 馳濟揚州江境沸如也八月提督楊岳斌自安徽以
 戰棹穿賊徑下至揚州視江防訖反旆而西閏八月
 都興阿捕妖人曹懷富於泰州獲之
 獲其經卷會單判簿歌句碑文
 及白布方旗其法男婦皆白衣持白摺扇為號木主
 皆自碎之其名新新教其黨左三戎別為普渡教漕
 運總督吳棠則以九月都興阿使副將楊心純以屯
 為無大逆跡云

揚州之湘軍仁義禮智信凡五營道儀徵助曾國荃圍金陵使吳全美自瓜洲視江防於下游賊聞松字諸軍多赴揚州募勇於沙漫洲泗源溝施家橋霍家橋仙女廟則使其黨偽作校弁持金作檄謁地方官真偽不能辨或徑揭示四出招募既就則使登舟驅入賊境亦有甘心爲逆者冬十月都興阿言賊作木筏爲官軍衣飾將圖揚州蓋儀徵正南卽石埠橋高資港賊於此求渡然不克也時 命富明阿爲幫辦大臣與都興阿共治揚州軍至接啟綸以危詞啟綸懼賄其書佐以千金乃釋十一月詹啟綸言於都

興阿賊不得逞志於金陵必謀江北都興阿以告

詔嚴備之且諭都興阿以揚州軍救李世忠於六合毋存成見尋 命都興阿以揚州軍西會楚師攻滁

州和州隔於李世忠不能前御史卞寶第盡發水師

通賊匿釐金狀 詔都興阿訊之都興阿疏賴鎮海

郭定獻張瀚文裕通賊無實李德麟黃彬難辭咎

詔以吳全美總統水師奪德麟秩使黃彬就訊於曾

國藩彬不受命匿其箭卽令印其部黃廷彪尤悖將

以眾叛都興阿使顏宗驥等說之乃行國藩議遣成

親例止之蓋亦鑒其都興阿援養十二月監生周同穀在京師上

疏請以揚州軍攻江陰牽賊勢 廷議揚州軍不可

揚州軍時猶幾二萬若自鎮江進攻丹陽金壇可發以進退江陰靖江途既懸遠且絕大江背水而陳孤軍絕地戰守皆危賊之不能徑覆揚州亦此故也亦下會國藩議之都興阿

尋使馬步雲等助攻九洑洲又其時大學士翁心存侍郎宋晉皆請以揚州軍出通州泰興鎮江取蘇常再下會國藩議之都興阿疏必清江以北乃可行

二年春正月會國藩疏得賊謀將以三十萬人攻揚州都興阿言偽護王陳坤書將自九洑洲入儀徵揚州掠裏下河二月疏偽護賀齊三王謀北濟者號五十萬實二十萬已使杜爾曼盡測溝渠謀攻擊旋疏

李世忠敗績於浦口亟使刁景明如六合覘賊勢

廷議下河產米賊涎之若賊偽攻城而陰趨下河則勢裂矣乃責都興阿富明阿嚴治揚州軍事會國荃亦以李秀成眾在江浦慮其入揚州而賊俄去揚州無警時湘軍克九洑洲 廷議賊勢促慮豕突下河

詔會國藩防之又 詔都興阿屯五臺山逾二載兵勇略無戰事恐墮驕逸其噴賊之北濟者迎而擊之夏四月會國藩疏賊謀掠下河或北結苗沛霖圖共濟 詔淮揚唇齒相依都興阿吳棠其共籌之俄賊自天長南掠儀徵之西北民爭走勢頗震都興阿

擊之金家集賊掠而遁李世忠子顯純請捕其游勇於揚州都興阿逆其詐不許又請立釐卡於泗源溝七濠口亦不許尋使胡士英出大橋鎮東審濱江勢再疏揚州江防事時都興阿已劾陳國泰泊承陞海常並斥之國泰於去年賊濟儀徵六合時不力拒眾其部通賊則法何在宜奪職矣承陞年老幾七十故使休致海常以枉杖揚州狗難廩生汪桂之妻郭氏革其職蓋橫恣久矣至是請盡罷紅單船以節餉事在四月補錄於此瓜洲儀徵並歸節制云中允錢寶廉又以鹽運商銷徒利奸商劣校釐稅無多難資軍仗而泰壩之鹽不足為公家

利淮南之鹽掣驗於泰州請易其捆而官運之曾國藩不可時湘軍水師皆入揚州道東臺泰州營運惟揚州將士益驕墮刁景明奉檄攻丹陽聚室而泣不得已行在六月詹啟綸憚徵調頻稱疾會國藩遣使蹙之則偽稱劇醫者不知對使診之言非甚病啟綸大怒懸而扶之李曙堂卒殺其書記者於妓寮不能詰蒙古旗將以朋賭劾者又數輩蓋揚州之風侈軍士又逸樂無戰事逞勢犯法挺身為之小校葉廣全又構兩大臣隙都興阿富明阿富明阿乖庸廣全黨而構焉以是不和洽軍事頗足慮然揚州時無賊得不敗都興阿固文雅

嘗以五百金購某書不少惜頗嫉諸武弁持躬倍廉
慎懸囊於榻蔬燭茗酪之資畢給於是不以一毫累
公物隱然儒將風也已上類記之騎士有食韭膾不
酬值者民訴於軍都興阿言曰兵腹有非當死否則
必戮汝民願抵乃殺之釋民去秋七月太平洲告警
都興阿使梁正源以軍往賊已去 詔都興阿以揚
州軍援臨淮使王萬清先萬清嘗因都興阿之戈什
哈索其門驢大闕於幕將
効之乞解於晏端書乃斥其職留軍自効至是已
使與戴錦芳等以所部川勇行萬清為前部 已
詔富明阿自揚州攻臨淮富明阿以馬步三千去九
月都興阿再以馬軍援臨淮冬十月都興阿再使詹

啟綸軍援臨淮太平洲再警蘇常之賊肆掠江濱至
於蘆葦之中皆賊跡勢
若求渡故稱警然賊利俘獲太平諸洲雖賊亦去李
與距猶橫隔大江亦頗深賊不能濟
鴻章軍至常州者降賊眾幾十萬使解散隸儀徵揚
州籍者艇師濟之北隸皖楚者不許慮其間入下河
也且 詔都興阿密防儀徵諸渡處而以吳全美訥
伊勒阿司其事
三年春 廷議都興阿坐守揚州未免髀肉復生之
歎 詔曾國藩相度能相助即使其軍濟江攻句容
值陝西回甚叛 詔都興阿移鎮綏遠城下曾國藩
舉得力之將統揚州軍國藩辭無人而請以水師隸

其戲 許之富明阿時次淮北亦固兼督揚州軍然

乖亢以旂員大帥自踞藐唾文武大失眾望 廷議

將以吳棠為欽差大臣陳國瑞為幫辦詹啟綸為翼

長治揚州軍 詔曾國藩議之國藩疏不可

賴有此不然陳

詹橫惡公私亂翹足乃 詔富明阿還督揚州軍

都興阿去揚州二月富明阿使詹啟綸助攻丹陽不

克以賊聚江陰使總兵安勇及臨淮馬軍皆還揚州

防賊濟又使楊心純部二千五百人詹啟綸之五千

人及刁景明周得雙等盡反揚州乃其時蘇軍銳甚

轟常州攻江陰賊方自遁江以南惟金陵丹陽陷於

賊北望揚州隔以天塹長龍快蟹舳板拖罟之舟分

泊江上有幫辦之吳全美有長江提督黃翼升之水

師賊無由北富明阿無將策亦不探論水陸軍狀及

粵賊崩潰勢震於噴報多聚兵於揚州以自顧其遜

都興阿亦甚矣已檄太平洲諸舟師北屯邵伯湖使

吳全美自瓜洲上次於儀徵乃其時揚州江岸無一

賊湘軍炮機精銳過全美甚而驅廣東師船入邵伯

湖湖之中淺深絕不齊冬且凝凍非粵舟所利矣旋

請罷諸艇師 從之

全美等還廣東

而以淮揚長江諸水師

守上下游及內河夏四月富明阿請簡揚州軍助攻

金陵 廷議止之令回江北會國藩亦知其兵不足
 用已使詹啟綸自三汊河助鎮江軍攻丹陽而不戒
 備馮子材誠之曰此非江北比不聽即夜賊劫其兩
 營去幸不大潰此係揚州軍狀故言之六月湘軍克
 金陵東南奠定時賊議七月掠食揚州惟揚州軍以
 防淮在富明阿言楚豫捻髮賊鴟張使自巢縣滁州
 定遠而西而南則揚州警散軍游勇焦湖船眾且四
 泊不可以往臨淮先是詔富明阿以馬軍濟秋八
 月富明阿使富陞以馬軍百有二十人入皖旋言賊
 俟秋高東掠若及滁和則下河驚若覬揚州則江北

亂自滁和及下河其遠幾何賊且不能更檄富陞返

揚州時英字選鋒軍已為都興阿檄之去王萬清遇
 崇死詹啟綸周得雙且次第從僧額林沁軍揚州兵
 似薄然粵賊摧滅盡捻賊恃馬力頗不能遽至揚州
 不宜如富明阿之張皇也

四年夏四月會國藩李鴻章合疏盡罷揚州軍且曰
 揚州距金陵一衣帶水有事可以兵濟於是揚州餘
 軍汰檄盡南北無一屯其後詹啟綸還揚州盡以其
 部卒充鹽艘之水手亦無或
 一抗令既而吳棠疏揚州重要宜兵備李鴻章使吳毓
 蘭軍至屯於五臺山寶華字營復草捐視丁糧數而

折取之瓜洲水師總兵吳家榜定居於大口縮水陸
 建牙署列船炮支河汊港旗械星羅淮揚水師則有
 賴文光者粵之猾賊也後比於任柱大掠諸省及捻
 眾盡文光獨以千騎入高良澗人謂淮軍實縱之當
 爾遂歷高郵東北汜水諸處壞所道梁戒其下無殺
 掠將襲揚州其黨不悉從至邵伯殺舉人許銘勳至
 仙女廟殺把總孔昭熊推一僧死水中奪掠四出人
 知是賊揚州守吏聞之亟閉門鹽運司李元華接城
 堞且說毓蘭使擊賊立襄緡錢五百以犒之哨者又
 言賊無火器乃出文光已走瓦窰鋪毓蘭軍欲還淮

揚水師將廖福賓獨力進遇諸灣頭水陸四合遂大

獲斬首數百

賊執土人為導使避官軍土人恨之導

不得其

文光匿草舍伙卒就縛之

此舢板舟中司爨

卒聞捻

賊潰各出掠使卒守船炮久不至卒亦思掠

登岸遇

老婦曰有賊匿吾舍吸鴉片旁無一人卒徑

搏之出其

不意遂就擒及審知其為文光也則大喜

過望亟舉

而獻之亦無殊賞提督張元龍水師總兵

陳東友稱

力戰其實賊徒多逆散文光固以竄匿而

被獲者而

力戰之機又出自廖福賓奮漿而前是以

勝也

蓋自金陵底定又三年而賊之亂揚州者始盡蓋

同治六年也夫粵賊盡嘉應而文光獨死揚州即謂

其後湘軍水陸

賊起廣西滅在揚州可也然而憊矣

戰紀言文光下

檄於毓蘭歷詆諸將獨譽毓蘭將以已降為毓蘭功

黃夜赴其軍當事祕之而以兩中生縛為詞然伙卒

之擒談者一口豫軍紀畧謂為選卒所獲即此是也
夫豈由送死者別如此賊已降矣何取於戰乎其
詆諸將則訊時實為此言亦即李秀成之故智比殺
之又大言不知脫說今不我活事豈有特甚則反間
也外間文光為洗則以淮軍久疏斬決之矣其至
仙女廟也有一親見之者人挾二馬皆皮骨僅立人亦
十九無刀牙有一騎冠水晶頂紅布一執大旗從之
詢人以驛站之所在又次者往謁之賊遂奪其騎以
孔昭熊謂是官軍之左不利於見也而排之其至以
熊不與被殺僧則始掠一履肆後乃款及婦女眾共
奪其去以午未其始四掠不絕甚也文光既被執多
為詩句然釋其甚先旬月有道士至仙女廟云東往
磚橋而即衢市村落之直走揚州者皆張正乙真人
之封號鈴印於其壁蓋賊問也事後乃知之其黨有
別逸於淮子橋山陽溝仁集諸處者追軍斬滅之
猶餘巨酋及百十輩緣途淫掠歷天長泗州至於來
安李世忠匿是夕王永勝軍亦追至與毓蘭甚爭功
之後皆戮死

既而罷揚州解嚴未幾復罷毓蘭軍然終以揚州當
江淮脊巡道段喆總兵朱淮森周漢英提督唐定魁
吳長慶章合才步馬疊戍皆屯五臺山都天廟亦屯
軍作洋式炮臺擊輪艘嚴束士卒民以安枕

野史氏曰湖白 章皇帝定鼎之初褒忠殛惡式闢

揚州休養生息數十餘年民豐物阜六邑同之

揚州固六縣甘泉東臺 皆後析者 康熙乾隆 翠華疊幸 鸞輅七臨偉

績洪麻鋪張揚厲下至宮室服物冠絕一時至於科

名閭闔丁稅場鹽遠溢天庾奔走海內矣道光之間

江海間漲城郭巍然京口之禍亦未中之以故宮觀

廛市車馬游讌紛華妍麗閱世更年日新月盛蓋二百餘歷於茲矣何意枉矢宵流大槍蹂躪血肉膏於城堙廬舍紅於烽火並其屢世經營蘊積之具摧折擲棄蕩無憇焉噫嘻何歟盈則必傾侈則召禍理固然也綜而計之揚之郭被陷者三攻而未入者一掠而不及乎隍者則屢矣始禍甚東南末亂中西北惟寶應興化泰州東臺或偏居或背立者多虛震高郵濱湖卽亦少被其禍若江都若甘泉嘻酷矣儀徵益甚累累者皆殘喘也悲夫

附正志誤

一志書三月瓜洲鎮江賊合攻揚州城陷知府世焜參將祥林力戰死按是役也賊於二月二十九日潰我諸圍軍明日趨揚州則三月初一日也宜增一朔字揚州知府無一兵曷以戰祥林不死禡卹典目中載之則提綱不宜作此書又載程餘熊於三月初一日在三汊河拒賊死時三汊河東西壘畢潰矣是必二月晦日事而錯爾

一志書冬十一月揚州軍克復瓜洲時琦善等僞疏攻克狀 上諭責其誣飾爲賊所笑乃仍其四面

圍勦踰土城平五壘斃死千計之謬耶其稱南鼠者斃於艇師無子遺亦此致也

一志載晏鵬舉於八年四月初八日擊賊於灣頭被困於五臺山而死按賊自七年棄瓜洲走揚州全境無一賊五臺山尤逼於城相距不及里又賊至西北來灣頭乃頗在五臺山之複裏何先灣頭而次圍五臺乎意此爲是年八月德興阿大敗於浦口賊踵至揚州時耳然其狀絕可疑故錄中不之及蓋軍營所述攻守殉難諸狀其大判於實事者屢矣

一志載同治二年夏四月揚防凱撤按二年六月金陵始克又數月湘軍始遣撤二年夏季無撤揚防理且其年夏四月都興阿方擊賊於金家集刁景明詹啟綸方被徵調何其誤也聊記四則其餘不更計非彈人也庶幾核實耳

揚州禦寇錄卷下終

揚城殉難續

錄上下卷

揚城殉難續錄卷上

邑人

鄭章雲

錄

揚州 陳恆和書林刻

一前錄男女各分子目今續錄次第未定鄭君鈔
人名入道場超薦日淺字多未有一定之先後

今同人節鈔時姑以年分排比先後

前錄即劉孟瞻先生

吳熙載先生任採訪時所集揚城殉難錄是也

一前錄無太守世昆及鍾淮等蓋以 奏案在前

不待採訪而後見也今續錄恐亦有似此者蓋

三次失城數年兵火忠魂義魄每列 奏章不

得以一書為限量也

一人名有與前錄重者本當考訂今節鈔時但於
續錄中情節稍重者存之非能定其高下去留
也蓋以道場賓客之美意節鈔備覽而已情無
取捨並不增減原文閱者諒之

一續錄底本係因癸酉年雞園佛事超薦忠義節
烈之亡名起見因鄭君章雲土垠得借之於揚

州教授陳先生衍吉訓導吳先生琪處然請友

代瞻未獲親對原本其中字跡之誤多所未免

願蒙 博雅多聞掌故者教以不逮先得前明
殉揚錄次

得揚城殉難錄皆有刻本唯續錄不知有無
部覆未見刻本通行今之節錄不過畧備觀覽

非曰採
擇也

一此中某年二字係節鈔時所加蓋無年分則前
後頗難安置姑於鄭君送來人名底稿上增入
某年以歸一類但其中或有確然可指之年月
日亦望 知之者示我

江都縣學教諭黃元灝咸豐三年城破登明倫堂自
縊而死

兩淮候補鹽知事鄭兆升奉漕督李公命帶練勇咸
豐三年被賊殺妻貴氏妾梅氏弟監生兆觀候補
賚奏廳兆乾監生兆師兆乾妻黃氏姪宏恩女德

姑蔡姑應姑蓮姑林姑皆絕粒死

候補州同知汪承霖咸豐三年賊脅之不從與妻巴氏同死

八品銜劉長安咸豐三年捐辦團練賊至與弟長庚長標禦賊同死

從九品高繼遠咸豐三年奉官諭團練賊入城帶勇巷戰受傷殞命母汪氏守節二十年已蒙旌表絕食死

從九品趙同懷咸豐三年春奉諭勸辦團練賊至見同懷帶頂帽持刀砍之同懷奪刀砍賊頭自投河

賊撈起殺之

從九品耿頤千承辦團練咸豐三年被賊殺闔家六人同死

文生巫文瑛精於理學咸豐三年二月二十五與子宜勗媳張氏閉戶自焚鄰里往就不納三人皆死焉

儀徵武生晏德馥咸豐三年賊至德馥招民團助威禦賊城陷不肯降賊被戕死

甘泉武生龔長泰咸豐三年與賊戰死

甘泉文童郝廷弼咸豐三年賊入城廷弼題詩於壁

上云我居王土亦係王臣願忠於國守死忘身遂不屈而死

高郵文童夏毓芳咸豐三年承辦軍裝局務拒賊被殺

監生周載陽咸豐三年為賊所害子童生灃本名松泉素端方不苟言笑罵賊被殺松源松濤女鳳英

鳳蘭先後皆被害孫寶昌寶興六年賊至亦被害死

運司書吏藍長齡闔家十四人咸豐三年同死於難運司書吏孫履吉闔家十四人咸豐三年同死於難

府書吏羅福海咸豐三年賊至闔家五人不入賊館遂同死

民人常道純咸豐三年城陷道純不肯從賊其妻某氏將幼子福田毒死即自盡道純遣長子貴田逃

出未得出被殺道純自縊死

民人周國榮咸豐三年遇賊不屈被殺妻劉氏子蓮第女接姑均於五月二十八日縊死

義民劉才咸豐四年冬隨職員陳臻龍帶勇助剿陣亡

義民鍾毓靈與趙正源蔣賢才葉廣蘭丁玉山於咸

豐四年築土城以禦賊爲礮所殺

義民束正官與陳元祿彭延芝丁長志王加德葛福
虎孫朝得王發高於咸豐四年在虹橋助剿賊陣
亡之

前儀徵知縣署揚州府同知浙齡咸豐六年二月卸
事甫三日賊至遇害

五品職高澣臣咸豐三年在琦營辦馬草後在德營
咸豐六年五月遇賊於唐胡子橋被賊戮死

候選訓導鍾兆熊仁和人咸豐六年揚城失守兆熊
與各紳董率勇執兵巷戰被害

江都文生韋光祖咸豐六年城陷奉父匿壁中食盡
題絕命詞而死

宗某甘泉文生宗浩之弟也咸豐六年賊至脅之不
從賊持刀欲刺其父某曰可殺我勿殺我父遂被
砍死父逃出

從九品胡炳仁咸豐六年三月一日隨知府世昆率
團勇禦賊死之妻龔氏亦死

監生李志元總辦城內九坊團練咸豐六年二月或
三月領勇守城城陷賊破腹抽臟而殺之

耆民黎仲京咸豐六年三月一日罵賊被害孫媳羅

氏縊死

候補衛千總楊月桂解火藥赴營咸豐六年六月十

五日行至瓜州虹橋遇賊接戰陣亡

舉人程恩湛咸豐八年避兵甘邑黃珏橋遇賊脅之

不從被支解而死妹劉程氏投水死

江都文生錢海咸豐八年賊入城授以偽職不從被

砍死

書吏沈銓弱歲從公毫無失德咸豐八年八月二十

八日罵賊被殺

從九品沈銓幼年失怙事母以孝稱和親睦鄰里人

多敬之咸豐八年八月二十八日與兄銓同死於

難

高郵文生邱士彬品學端方教授鄉里咸豐八年九

月一日天長賊至甘泉界授以偽職不從被殺畢

坤元同死之

文生趙含章品學兼優鄉里推重辦團練巡防極認

真咸豐八年九月五日督北勇與賊戰至甘泉山

下被執遇害

士人趙升焯敦品讀書咸豐八年賊至督團勇殺賊

被害

文童趙良杞姪升焯死難有月日此單出一條無月日不知是否一人也

甘泉監生黃如金咸豐八年九月二日率民勇與賊戰與姪文淇同死姪文漣十年四月十九亦不屈於賊而死

民人許湯年咸豐八年九月二日賊至湯年呼父母兄弟同坐浴盆過河未及自渡投水死

民人黃如鎬咸豐八年九月二日與十人同死於難民人王同庚咸豐八年九月二日與五人同死於難儀徵文童趙良杞咸豐三年在鄉團練與賊戰屢勝八年九月五日良杞擊賊陣亡姪升焯被殺外甥陳德修受傷嘔血所帶勇十餘人皆死之

義勇劉貴子與陳德修謝育明張容興於咸豐八年九月五日殺賊同時陣亡

董事徐璋老誠幹練督團擊賊常獲勝咸豐八年九月九日帶勇禦賊被刺喉而死

民人陳履吉咸豐九年與十一人同死於賊

武職官李春方咸豐十年薛成良復叛四月五日春方等五十人力戰陣亡

團董謝良臣咸豐十年四月賊至甘泉界良臣領團勇殺賊多人賊大至力竭自刎死

團董陸堯年與陳景坤管談家集民勇咸豐十年四

月賊至遇害

士人尹懷禮咸豐十年四月賊至送駕橋焚其屋懷禮抱書籍自投火死

嵇承隆與兄承緒同爲團練董事咸豐十年率各鎮練勇禦賊於高郵湖西閔家橋死者數十人承隆爲賊所得支解而死

書記楊錦芳工詞翰一時軍書多出其手咸豐十年四月死於難

團長余七扣以膽畧聞咸豐十年四月賊至送駕橋七素有膽畧爭先迎戰頗有殺傷後賊來愈眾引

刀自刺喉死

團長馮意林咸豐十年四月與賊戰一家十二口同日死

義民丁在山咸豐十年四月與徐慶春黃正泰金湧子劉小八同陣亡

民人李椿芳咸豐十年四月賊將至或勸其避李曰死生有命無所避賊至引頸受刃賊退後尋其屍面目如生

民人陳廣咸豐十年與劉同孫義縉陳珠同死於賊民人丁懷玉咸豐十年四月遇賊與劉小虎投水死

義勇王三善用大刀咸豐十年四月羣賊脅之去三不屈身中數刃而死同列皆死

民人阮祀闔家二十三人咸豐十年賊至逼之皆不從而死

民人王重衡咸豐十年四月五日與夏老同被賊所傷而死

民人陳玉壽咸豐十年四月奮力殺賊賊眾怒支解之

民人陳洪咸豐十年四月賊至談家集民人或有乞命者洪怒曰死則死何哭爲賊先殺之

民人丁懷德咸豐十年四月賊至談家集欲與以僞職不從被殺懸其屍於樹杪

民人劉天福咸豐十年四月賊至投塘死妻葉氏色美賊欲污之不從被殺

民人陳家樾咸豐十年四月賊至一家投湖死

民人張萬隆咸豐十年四月五日遇賊被害妻蔣氏痛夫慘亡遂觸階而死

民人馮老澣於咸豐十一年三月二十二日與四人同死於賊

監生徐懷琮爲團練董事咸豐十一年於高郵湖西

被賊剖腹刳腸而死妻龔氏縊死

同知銜方之杏於咸豐某年賊至之杏不肯入賊館
死之同死者八人遺詩云食盡身亡義不受辱下
慰祖宗上報君國

孝廉方正畢光琦咸豐某年城陷不屈自縊死遺詩
云辟薦新邀聖主恩愧臣圖賊竟無門生前未効
涓埃報一死空畱姓氏存子廷鏞同死

孝廉方正阮祚咸豐某年率勇禦敵被戮死

舉人候選教諭汪常林辦團練率眾禦賊咸豐某年
二月二十八日被戮死

廩生錢嗣遠與子監生法舉人淮一家十數口於咸
豐某年遇賊難同時自盡

廩生陸銘因父死自恨不能殺賊以全親咸豐某年
某月奮取大石闖入賊所連擊賊首賊怒支解之
弟某亦死之

候選鹽知事朱壇咸豐某年賊脅不從遇害叔母盛
氏女大姑皆不食死

八品銜吳祖燦咸豐某年賊至被撻不屈而死

八品職江洪作旌德人居揚城咸豐某年賊脅不從
被殺戚范楊氏同女大姑俱被害

八品職陶翰仁和人寄居揚郡咸豐某年賊至猶堅守本坊團練不去遂被害

高郵職員吳遐齡在揚城與妻周氏等全家自刎而死

職員梁克仁辦團練咸豐某年賊至一家皆殉難

職員余瀛徽州人居揚城咸豐某年城陷絕食死

職員凌鳴岐咸豐某年賊至絕粒死弟監生兆西職員慕堯同投井死

職員陳廷錦咸豐某年賊至絕粒死母雷氏妻卞氏子載春縊死

九品銜胡根培辦團練咸豐某年被賊殺母饒氏子四人皆同死

九品陳上達咸豐某年賊至同孀媳劉氏不食死

九品職潘琳太興人在揚城保衛局教習技勇咸豐某年迎剿陣亡

九品職徐樹本安東人咸豐某年賊至絕粒死

從九品張麐咸豐某年辦團練被賊殺一家十口同死

從九品吳塏幼事母極孝咸豐某年賊至書十字於壁云殺賊苦無術一死報君恩遂遇難

從九品張廷選咸豐某年賊至絕粒死

文生孫繼祖辦團練咸豐某年罵賊被殺

儀徵文生吳藻翔咸豐某年遇賊不屈賊折其兩腿

匍匐至府學前石柱上自縊死懷中有血書一紙

云九泉碧血依師範一片丹心報主恩兄文生文

澁被戕死女喜姑觸柱死

儀徵文生陳傳涑一家八口咸豐某年同死於賊第四

子係墜樓死

江都文生金書政為集英堂教讀師咸豐某年賊至脅之不從被賊鞭打遍體瘡痍猶忍痛事母遂與

母及妻子等四人先後皆死或縊或服毒

文生湯錫祺辦團練咸豐某年罵賊不屈被殺妻柳

氏同死

儀徵附生王家槐辦團練咸豐某年城陷怒罵不屈

賊遂百計誘降之家槐不從自縊死母胡氏妻張

氏弟家柏妹賈王氏同死

丹徒監生王方寄居江邑界與子廷琛辦團練助剿

咸豐某年父子皆陣亡

監生劉聲揚年七十八歲咸豐某年賊至念其老不

忍殺聲揚罵賊死之子紹先亦死

監生陳作霖咸豐某年賊至不從賊殺之而分其屍妻徐氏妾高氏同死

甘泉監生孫學英一家二十人於咸豐某年同死於賊

儀徵士人吳玉照事母極孝咸豐某年與母某氏本生母某氏同死揚州賊難

武職官李五以驍勇聞於鎮咸豐某年賊至送駕橋五用火鎗擊斃前隊紅衣賊目賊眾怒圍之數十重李五一軍皆沒

千總銜虞廷幹咸豐某年賊至被逼不從遇害母某

氏媳某氏同死

揚州營候補外委吳雨亮在城團練咸豐某年賊至與妻譚氏同縊死

揚州營外委馬湘咸豐某年奉委巡城城陷不屈被殺

鹽捕營候補外委李澍守護軍裝咸豐某年被賊戳死子莊投水死

運司書吏張致祥闔家十五人咸豐某年同死於難府書吏沈某生平以孝聞咸豐某年賊至不食死

江都書吏史松年咸豐某年賊至脅之不從被殺妻

錢氏遂縊死

民人陳國琳集漁舟數十隻施放鎗礮以禦賊薛成良之亂賊船入港民人無一脫者國琳戰死姪廣杏鑿舟自沈

民人林楨等三十一人咸豐某年賊脅之不從皆死焉

民人陳麗泉咸豐某年賊至其母自縊麗泉悲憤殺賊復讐爲賊所醢

民人陸瑞祥同子起泰孫長松謀應官軍俱被賊殺民人陳萬堂咸豐某年遇賊不受僞職賊懸於樹縊

殺之

民人黃恆馥咸豐某年三月五日一家八口服毒死民人劉春元咸豐某年賊至受重傷後自縊死母施氏守節多年亦縊死

民人劉逢源於咸豐某年同子長生被擄不從賊取神香燒其背死

僕人何萬春爲主丁姓守門咸豐某年賊擄之不從被害妻向氏同子投井死

僕人卜羣見其主徐姓被殺奔救被砍死事在咸豐某年

僕人陸小金父病癱家貧傭工養父竭力盡孝咸豐
某年賊擄之不從被殺

僕人葉廷福為主劉文淇家守門咸豐某年賊至絕
粒死

道士王復春與道士于清和民人王姓於咸豐某年
同被賊害

僧牧雲闡通揚德鴻崑松巖妙慧慧明秀峯廣宏俱
不從賊於咸豐三年六年八年九年十年十一年
中或在城或在鄉鎮先後被害

揚城殉難續錄卷上終

揚城殉難續錄卷下

邑人

鄭章雲

錄

揚州 陳恆和書林刻

程捷妻鄭氏咸豐三年賊至自刎自縊俱遇救六月
後服毒死遺詩詞在稿其絕命詩題云一死未能
容九死須遂志哀哀寸草心自裁復何罪骨肉如
雨散恩情圖報難只存數行字畱與後人看有弟
殊方別今宵彼詎知浮生真應劫授命豈能辭骨
肉風塵際朝廷涕淚時危城千萬命日日盼王師
杭州徐王氏名瑞芝號雲仙博通典籍工詩夫舂舂
遊幕在外翁晟前署儀徵縣僑寓儀邑咸豐三年

城陷同女幼蘭閉戶自焚死

興化舉人趙閔中妻陳氏夫死痛不欲生氏父宗璜郡城孝子也憫氏甘節送之立貞堂咸豐三年城陷隨父罵賊自縊死

盛克諧妻劉氏咸豐三年賊至縊死年六十二歲守節三十四年

徐福海聘妻嚴氏五十二歲咸豐三年賊至縊死守貞三十四年

陳兆槐妻趙氏年二十歲孝事父母鄰里稱賢咸豐三年賊至氏在父母家密縫裏衣不食七日將死

遙望夫家拜辭孀姑而死

府書吏沈某妻孫氏年二十四歲咸豐三年賊逼不從被戮未絕自刎死守節六年

劉芸妻謝氏咸豐三年賊至縊死年四十八歲守節二十三年

民婦劉吳氏咸豐三年賊至逼之不從被殺

民婦甘蔣氏素賢淑咸豐三年賊至杜門絕粒死

民婦甘張氏夫故事姑撫子克盡其道咸豐三年二月不屈於賊被害

葉氏女年十八歲咸豐三年二月間賊至自盡

常元恆妻殷氏夫早亡守節多年咸豐三年十一月五日不食而死

民婦徐顧氏咸顧氏程張氏陳徐氏於咸豐三年及八年賊至時先後投井死

民婦吳呂氏咸豐三年賊逼入女館不從與兩子同死

職員鄭貽昌妻王氏咸豐六年賊至氏謂子媳曰忠孝不能兩全吾年已邁夫有職當盡忠唯鄭氏單傳汝等宜急避之以留一脈氏遂自縊死

文生張恩藻妻耿氏咸豐六年與母陷城中或勸之

逃氏謂夜行不便與其受辱不如死舉剪刀自刺因救得免旋聞賊緊逼與女投井死

文生焦又曰妻劉氏咸豐六年賊至匿於厠賊逼不從投厠而死

馮起坤妻潘氏年三十一歲咸豐六年賊至見氏年少被逼力拒不從罵詈之時有賊頭目至呼斥得免遂與姊李潘氏用汗巾自勒死姊之女轉姑後同姊縊死姊夫李懷先於咸豐三年死於難

劉湧桂妻朱氏年四十九事孀姑至孝咸豐六年二月二十九日聞賊至閉門服毒死守節二十年

葛壽昌妻張氏咸豐六年賊至三月一日自刎死

陳椿齡妻周氏二十八歲咸豐六年賊至三月一日
攜幼女投河死

汪同壽聘妻嚴氏汪秦之媳咸豐六年三月初一日
賊至揚城投玉井內死年二十四歲

吳應祥妻徐氏咸豐六年賊至三月一日氏縊死守
節八年

民婦張顧氏咸豐六年賊至三月初一日氏投井死
貞女田十姑咸豐六年賊至不肯入館三月初十死
於難

李六姑年十四歲咸豐六年三月二十四日聞父志
元陣亡遂投水死

陳貴姑年十四歲父名星球咸豐六年三月廿四日
貴姑遇賊不屈投水死

張浩庵妻金氏咸豐八年賊至自縊死裏衣上下皆
密縫紉壁上大書云自古有死人誰不然完我清
白含笑九泉厲鬼殺賊猶生之年

民婦湯崔氏年三十八歲咸豐八年賊見其有姿欲
污之奪刀自刎死

民婦徐錢氏一門六人咸豐八年同死於難

僕婦潘朱氏傭於陳姓家咸豐八年賊至陳氏僕乘警戲之遂縊死

民婦仇周氏咸豐十年四月賊至其家以泥污自塗其面衣破衣賊舍之忽一賊以水灑其面見姿色端麗欲污之氏以剪刺喉而死

民婦呂馬氏咸豐十年四月賊逼之不從被殺

民婦孫巫氏吳倪氏徐李氏周宰氏吳王氏謝談氏

黃李氏黃項氏咸豐十年四月同在一處死於難

民婦呂尤氏呂王氏呂趙氏丁大姑何阮氏咸豐十年賊至皆投水死

民婦張丁氏咸豐十年五月一家六人同死於難

布政司理問銜金楷妻童氏咸豐某年賊至絕粒死年四十三歲守節十五年

候補典史李昭度妻吳氏青年守節撫孤成立咸豐某年城陷不食死

陳女瑞雲襁褓時即隨母趙氏居立貞堂趙氏守節二十三年咸豐某年賊至縊死瑞雲痛母死題詩於壁云邯鄲一枕已朦朧回首人間總是空好月好花皆幻境全名全節是英雄靈萱勉侍精神瘁岩竹完貞志願終盛世承平應有待何如撒手付

東風遂自縊死

監生張潤身妻鄭氏守節多年已蒙 旌表咸豐某
年賊至縊死

節婦趙吳氏年七十五歲咸豐某年賊至罵賊被殺
守節五十餘年

文童黃葵妻劉氏年六十一歲咸豐某年賊逼入館
不從遂死守節三十二年

朱承美妻姚氏咸豐某年賊至投井死守節三十四
年

朱玉林妻張氏能文翰年四十一歲咸豐某年賊至

自縊死守節十五年女鎖姑亦自縊死

節婦吳卜氏年六十歲咸豐某年罵賊被殺子宏德

因救母被殺氏守節三十餘年

候補鹽知事何大鏞妻朱氏青年守節力撫三孤於

咸豐某年賊至同第二子開官被害

卞廷佑妻閔氏年五十歲咸豐某年賊至不食死守

節二十六年

高郵文生夏建寅妻某氏守節數十年居揚城為童

子師咸豐某年城陷被害

監生閔立堃妻夏氏咸豐某年賊至被戳死子正懋

墜城死女絕食死立塋亦死閱立塋有同名者

孫氏女紋雲上元廩生孫淮祉之女年十九歲咸豐

某年四月賊至黃墅紋雲侍瞽母不忍去賊持刀

逼之女罵不絕口乘間出門投塘死此人非在揚州殉難因揚

城褒忠局收入附記不刪以昭慎重

孫松姑若愚之女也年十三歲咸豐某年賊逼不從

縊死

吳貞女咸豐某年賊至與丁貞女同被害

解貞女咸豐某年賊至逼之不從抱磚石等物投河

死

程國柱妻蔣氏年五十八歲咸豐某年賊至與嬸高

氏同縊死守節二十餘年

節婦葛某氏守節多年咸豐某年城陷日先以剪刀

刺死兩女旋同瞽目姑縊死

節婦高吳氏年六十三歲咸豐某年賊至不從賊而

死守節三十三年

文生高翔妻汪氏青年守節咸豐某年賊至遂死於

難

江文芷妻黃氏年五十二歲咸豐某年不從賊而死

守節三十年

民婦戴陶氏咸豐某年賊至不肯入賊館守先世木主至死不釋手

江都武生王之淇妻韓氏咸豐某年賊至氏絕食死守節二十餘年

沈雲龍妻朱氏咸豐某年賊至日投水甕死

監生張起文妻哈氏守節四十年咸豐某年賊至不食死一家四人皆死焉

節婦蔣庠氏年四十九歲咸豐某年賊至不食死守節二十年

節婦王李氏八十五歲咸豐某年賊至絕粒死守節

數十年

節婦范屠氏咸豐某年賊逼入館不從縊死

馬心璋妻范氏咸豐某年賊至縊死守節十四年

高錦洵妻魏氏守節多年咸豐某年賊至絕粒死

姚盛仁妻梁氏守志撫孤咸豐某年賊至懸梁三次

僕婦解救矢志不食死守節二十五年

臧或張長庚妻宓氏年五十歲咸豐某年賊至服毒

死守節二十餘年

吳周純妻賈氏年三十九歲咸豐某年賊至三月一日投水死守節十六年

吳貞女高郵監生吳耀祖之姊咸豐某年賊至揚城
女不食而死

士人汪某妻某氏守節多年咸豐某年賊至不屈被
殺

民婦李顧氏早寡咸豐某年賊至投水死裏衣縫紵
甚密蓄志矢節久矣

王堃妻常氏咸豐某年年十八歲賊至懼污投水死
魏貞女咸豐某年陷城中不食死

節婦居趙氏年四十四歲咸豐某年賊至不食死
監生李正家妻吳氏年五十二歲咸豐某年賊至不

從賊而死守節三十一年

梁正發妻鄔氏咸豐某年賊逼不從服毒死

姚原田妻黃氏三十七歲咸豐某年賊至不食死守
節十一年

民婦殷王氏咸豐某年賊脅入館不從以頭觸柱顱
裂而死媳鍾氏亦死

外委朱春妻方氏年二十七歲守節五年矣咸豐某
年間賊入城遂縊死

監生閔立堃妻施氏年二十歲咸豐某年賊至攜子
壽官投井死

此閔立堃之名與前同
名姓中或有一誤字也

監生馮桂妻呂氏年四十四歲咸豐某年賊至氏不入賊館而死守節十九年

監生吳桂森妻夏氏咸豐某年賊至與七歲女不食死氏年才二十七

張文江妻程氏守節寄居母家咸豐某年城陷不屈被殺闔門五人同死

運使書吏錢春堂妻巴氏本土人家女守節有年年三十歲咸豐某年賊至服毒死

節婦巴李氏咸豐某年城陷被害
孫德成妻黃氏守節多年同媳某孫某孫女某俱死

咸豐某年之難

李右廷妻柏氏守節多年偕寡媳劉氏於咸豐某年賊至時縊死

文童黃元量妻張氏年四十九歲咸豐某年賊至不從賊而死守節二十八年

石長松聘妻練氏在夫家守貞有年矣咸豐某年罵賊不從而死

馮漢妻樊氏咸豐某年賊至絕粒死年六十八歲守節三十六年


女僕劉某氏傭於倪姓家咸豐某年賊至因救主人


被殺

尼法愷尼介宏咸豐某年被賊所害

王翠珍馬鳳英俱爲妓不肯從賊咸豐某年間先後
被害

揚城殉難續錄卷下終





2411

